

## Mensahe 7

### **Si Nehemias—Sumbanan sa Tawong Dunay Iya-sa-dispensasyong Bili alang sa Dios**

Basahong Kasulatan: Bug. 12:1-14; Neh. 1:1-11; 2:9-20; 4:4-5, 9; 5:10, 14-19; 8:1-10; 13:14, 29-31

- I. Tinguha sa Dios nga taposon kining panahona ug ipadangat ang panahon sa gingharian; aron mabuhat kini sa Dios, kinahanglan makabaton Siyag iya-sa-dispensasyong instrumento:**
- A. Mangamuyo gyod tang tanan sa Ginoo ug moampo nga maanaa tay iya-sa-dispensasyong bili alang sa Dios; mangutana gyod ta sa atong kaugalingon kon unsay gibuhat nato aron matapos kining dispensasyona ug mapadangat ang sunod nga panahon, ang panahon sa gingharian; espesyal kining panahona, busa gikinahanglan ang espesyal nga mga magtutuo nga mobuhat og espesyal nga buhat.
  - B. Walay epekto ang mga makaingon rag “Adto,” apan dili “Ari,” sa ato pa, wala silay iya-sa-dispensasyong bili alang sa Dios—itandi sa Heb. 10:22:
    - 1. Wala ingna sa tagsulat sa Mga Hebreohanon ang mga magtutuo nga moadto kondili moduol kun moari; nagpasabot kini nga naa sa pihong dapit ang tagsulat ug nga buot siyang moduol sa nahimutangang niya ang iyang mga magbabasa.
    - 2. Moduol gyod ta sa tulo ka butang: sa Dapit Labing Balaan, sa trono sa grasya, ug sa Dios mismo; ayawg sibog—duol—v. 22; 4:16; 7:25; 11:6.
    - 3. Naa sa trono sa grasya ang Dios, ug naa sa Dapit Labing Balaan ang trono sa grasya; sa panahon sa pagsulat sa basahon sa Mga Hebreohanon, naa sa Dapit Labing Balaan ang tagsulat, nanawag sa mga magtutuong Hebreohanon nga moduol.
  - C. Ang paglalin sa batang-lalaki sa langit, ang pagtambog ni Satanas sa yuta, ug ang pagpahayag didto sa langit nga niabot na ang gingharian nagtimaan nga ang pagkabaton sa Dios sa batang-lalaki maoy kinadak-ang iya-sa-dispensasyong lihok Niya, kay magtapos man kini sa panahon sa iglesia ug magpasugod sa panahon sa gingharian—Bug. 12:5, 9-10; 11:15.
  - D. Lalinon ang batang-lalaki ngadto sa trono sa Dios sa dili pa ang usa ka libo ug duha ka gatos ug kan-uman ka adlaw, nga mao ang panahon sa dakong kasakitan nga tulo ug tunga ka tuig (kap-atan ug duha ka bulan)—12:1-14; 13:5; 11:2.
  - E. Nabuhi ta sa labing maayong panahon nga niini makahimo ta sa labing maayo alang sa Dios; pakit-on ta sa dalan sa Dios nga kahayag, apan ang nagpuyo-sa-sulod nga Cristo nga kalig-on ug kusog nato maoy makapalakaw nato sa dalan; mobayad gyod tag dako aron magamit ta karon—3:18.

**II. Kay wala man makakab-ot sa tuyo sa Dios ang iglesia, mopili ang Dios og grupo sa mga mananaog nga mokab-ot sa Iyang tuyo ug motuman sa Iyang gipangayo; kini ang prinsipyo sa batang-lalaki—12:1-2, 5, 10-11; 2:7, 11, 17, 26-28; 3:5, 12, 20-21:**

- A. Nagrepresentar ang malukopong masanagong babaye sa kinatibukan sa katawhan sa Dios, ug sa kinataposan, modako ang kaliwat sa babaye sa Genesis 3:15 nga maglakip sa madaogong mga magtutuo, sa mas kusganong bahin sa katawhan sa Dios, nga gitiman-an sa batang-lalaki—Bug. 12:1-2, 5, 10-11.
- B. Ang nabanhawng Cristo nga Espiritung taghatag-og-kinabuhi mao ang kaliwat sa babaye nga nausab-ang-dagway, nga gipaambit kanato aron mosamad sa ulo sa bitin sa sulod nato ug maghimo natong hini-usang kaliwat sa babaye, ang madaogong batang-lalaki, nga mopahamtang sa paghukom sa Dios sa karaang bitin ug mahimong iya-sa-dispensasyong instrumento sa Dios nga mousab sa panahon ug mopadangat sa pagpadayag sa gingharian sa Dios—v. 5.
- C. Nagpakita ang Salmo 2:8-9, Bugna 2:26-27, ug Bugna 12:5 nga si Ginoong Jesus nga Dinihogan sa Dios, ang mga mananaog sa kaiglesihan, ug ang batang-lalaki magbuot unya sa kanasoran pinaagi sa baras nga puthaw, nagpamatuod sa ingon niana nga usa ra si Ginoong Jesus, ang mga mananaog, ug ang batang-lalaki; ang Ginoo nga nangunang Mananaog (3:21) mao ang Ulo, sentro, realidad, kinabuhi, ug kinaiya sa batang-lalaki, ug ang batang-lalaki, nga nagsunod nga mga mananaog, mao ang Lawas sa Ginoo.
- D. Pinaagi sa kamatayon sa Ginoo sa krus, gihukman, gitambog si Satanang, ang karaang bitin (Juan 12:31; 16:11); sa kinataposan, ang mga mananaog nga mao ang batang-lalaki, ang hini-usang kaliwat sa babaye, maoy mopatuman ug mopahamtang nianang paghukoma ug sentensyaha; ang pagpakiggubat sa madaogong mga magtutuo batok ni Satanang sa pagkatinuod pagpahamtang man sa paghukom sa Ginoo kaniya aron sa kaulahian mahinginlan siya sa langit (Bug. 12:7-9).
- E. Naglangkob ang batang-lalaki sa mga mananaog nga nibarog alang sa iglesia, nibarog sa posisyon nga angay untang barogan sa tibuok iglesia, ug nibuhat sa buluhaton alang sa iglesia—2:7b, 11b, 17b, 26-28; 3:5, 12, 21; 12:5, 11:
  - 1. Duna gyod untay bahin sa walay kataposang tuyo sa Dios ang tanang katawhan Niya, apan dili man tanan ang nangako sa kaakohang angay nilang pangakohon; busa, nagpili ang Dios og grupo diha nila—ang batang-lalaki nga gipanganak sa babaye.
  - 2. Sa Biblia ang mga mas kusganon diha sa katawhan sa Dios giisip nga hini-usang grupo nga nakiggubat alang sa Dios ug nagpadangat sa gingharian sa Dios nganhi sa yuta—Bug. 12:5, 10-11.
  - 3. Gamiton sa Dios ang batang-lalaki sa pagtuman sa Iyang pamati-

## Mensahe 7 (sumpay)

gayon ug sa paghuman sa Iyang tuyo—1 Tim. 1:4; 2 Tim. 1:9; Efe. 1:9, 11; 3:11.

4. Gikinahanglan sa Dios ang batang-lalaki nga mopildi sa Iyang kaway ug mopadangat sa Iyang gingharian aron matuman ang walay kataposang tuyo Niya; ang pahiuili sa Ginoo maoy pagkapraktikal sa pamatigayon sa Dios karon, ug ang batang-lalaki ray makatuman sa Iyang pamatigayon—Bug. 12:10.
- F. Ang paglalin sa batang-lalaki buhat nga makapawala sa dapit ni Satanas sa langit; kinahanglan malalin ta aron matagbo ang panginahanglan sa Dios sa pagpahamtang sa paghukom Niya sa Iyang kaway—vv. 5, 7-10.
- G. Ang mga nag-umol sa batang-lalaki nakadaog sa yawa (sa tigsumbong, sa tigbutangbutang), nga si Satanas, ang kabatok sa Dios, tungod sa dugo sa Cordero ug sa pulong sa ilang panghimatuod, ug wala sila mahigugma sa ilang kinabuhi-sa-kalag bisan ngadto sa kamatayon—vv. 10-11.
- H. Nasuropan ug natuhopan sa elemento ni Cristo ang tibuok pagkatawo sa batang-lalaki, kay adlaw-adlaw man silang gilig-on nganha sa tawo nila sa sulod aron makatukod si Cristo sa Iyang Kaugalingon nganha sa ilang kasingkasing, gitil-ogan sila sa dili matugkad nga kadato ni Cristo, ug gisul-ob nila si Cristo nga tibuok hinagiban sa Dios—Efe. 3:16-18, 8; 6:10-11.

### **III. Sa dihang gibihag ang Israel sa kapitoan ka tuig, duna gihapoy iya-sa-dispensasyong lihok ang Dios tungod ni Nehemias, nga tinuod nga mananaog; siya ang sumbanan sa tawong naay iya-sa-dispensasyong bili alang sa Dios—Neh. 1:1-11; 2:9-20; 4:4-5, 9; 5:10, 14-19; 8:1-10; 13:14, 29-31:**

- A. Ang mahinungdanong punto sa basahon ni Nehemias mao nga ang pagtukod pag-usab sa syudad sa Jerusalem ug sa paril niini pulos mapadayonong pagpahiuli diha sa Iyang mga pinili alang sa Iyang panghimatuod isip katumanan sa pamatigayon sa Dios ug pag-amping ug pagpanalipod sa balay sa Dios sulod sa syudad:
  1. Nagtimaan kini nga ang balay sa Dios nga puluy-anan ug panimalay Niya dinhi sa yuta nagkinahanglan sa Iyang gingharian nga maestablisar isip ginsakpan nga mag-amping sa Iyang interes dinhi sa yuta aron matuman sa Iyang administrasyon ang Iyang pamatigayon—itandi sa Rom. 14:17.
  2. Ang pagtukod pag-usab sa balay sa Dios naghulagway sa pagpahiuli sa Dios sa nadaot nga iglesia, ug ang pagtukod pag-usab sa paril sa syudad sa Jerusalem naghulagway sa pagpahiuli sa Dios sa Iyang gingharian; magkuyog gyod ang pagtukod sa balay sa Dios ug sa Iyang gingharian—Mat. 16:18-19.
- B. Makaila ug makapahimulos ngani ta ni Cristo nga atong kinabuhi,

## Mensahe 7 (sumpay)

maanaa tay iglesia nga balay sa Dios; kon moabante pa gyod ta ug makaila sa Iyang pagkaulo, modako ang balay ug mahimong syudad, ang gingharian sa Dios—Efe. 1:10, 22-23; 4:15; Bug. 22:1.

- C. Gipakita ni Nehemias ang panginahanglan nga duna tay hustong pagkaagresibo diha sa pahiuhi sa Ginoo karon:
1. Nasuko pag-ayo ang mga pangulo sa mga Moabihanon ug mga Amonianon sa pagtinguha ni Nehemias sa kaayohan sa mga anak sa Israel; gidumtan ug gitamay ning kaliwat sa dili putling pagsanay ni Lot ang mga anak sa Israel—Neh. 2:10, 19; itandi sa Ezeq. 25:3, 8.
  2. Kalabot sa pagbiaybiay, pagtamay, ug pagpakaulaw ning mga mag-susupaka, putli ug agresibo kaayo si Nehemias, dili talawan—Neh. 2:17-20; 4:1-23; itandi sa Buh. 4:29-31; 1 Tes. 2:2; 2 Tim. 1:7-8.
  3. Gitabangan sa Dios ang mga agresibo; sama ni Nehemias, nakig-abin si apostol Pablo sa Dios ug nakasinati sa pagtabang Niya ning panag-abin—Buh. 26:21-22.
  4. Ang pagkaagresibo ni Nehemias, nga maayong gawi sa tawhanong paggawi niya, nagpakita nga ang atong natural nga kapasidad, kahimoan, ug maayong kagawian moagi gyod sa krus ni Cristo ug dad-on sa pagkabanhaw, ngadto sa Espiritu nga kahingpitan sa Tulo-usang Dios, aron magamit sa Dios sa pagtuman sa Iyang pamatigayon.
- D. Wala magkinabuhi si Nehemias sa natural niyang pagkatawo kondili sa pagkabanhaw; agresibo siya, apan inubanan sa ubang mga kinaiya ang pagkaagresibo niya:
1. Sa relasyon niya sa Dios, tawo siya nga nahigugma sa Dios ug nahigugma sab sa mga tinguha Niya dinhi sa yuta, lakip na sa Balaang Yuta (nga nagtimaan ni Cristo), sa balaang templo (nga nagtimaan sa iglesia), ug sa balaang syudad (nga nagtimaan sa gingharian sa Dios)—1 Hari 8:48; itandi sa 2 Tim. 3:1-5.
  2. Isip tawong nahigugma sa Dios, niampo si Nehemias sa Dios aron mokontak Niya diha sa pakig-ambitay; aron matukod pag-usab ang paril, nibarog si Nehemias sa pulong sa Dios ug niampo sumala niini—Neh. 1:1-11; 2:4; 4:4-5, 9.
  3. Nisalig si Nehemias sa Dios ug nausa man ngani sa Dios; tungod niana, nahimo siyang representante sa Dios—5:19; itandi sa 2 Cor. 5:20.
  4. Sa relasyon niya sa katawhan, dili dalo si Nehemias, walay bisan unsang pagtinguha alang sa kaugalingon o kaugalingong-interes; kanunay siyang andam nga mosakripisyo sa naa niya alang sa katawhan ug sa nasod—Neh. 5:10, 14-19.
- E. Si Nehemias, isip gobernador, nga nagbarog ingog hari, tawo nga putlig kasingkasing alang sa pagtukod pag-usab sa paril sa Jerusalem aron matuman ang pamatigayon sa Dios; sumbanan siya sa angayang

## Mensahe 7 (sumpay)

manguna diha sa katawhan sa Dios—itandi sa 1 Tim. 3:2-7; 1 Ped. 5:1-3:

1. Lahi sa daghang hari sa Israel ug Juda, dili siya dalo, wala magtinguha sa kaugalingon niyang mga interes, ug wala magpasinunot sa pangibog sa pakighilawas.
  2. Isip hepe-komandante, usa si Nehemias sa mga andam makig-away sa kaaway, ug niapil siya sa pagtukaw magabii; wala niya ipiyal sa uban kining mga butanga kondili nisalmot siya mismo niini—Neh. 4:9-23.
  3. Siya ug ang iyang mga igsoon wala mokaon sa kalan-ong gitagana alang sa gobernador sa napulog duha ka tuig tungod sa kahadlok sa Dios—5:14-15.
  4. Nilahutay si Nehemias sa pagbuhat sa buluhaton sa paril sa syudad nga wala magpasuhol; imbis magtinguha alang sa kaugalingon, gipakaon niya ang uban sa tuyo nga matukod ang paril—vv. 16-18.
- F. Bisan magbubuot si Nehemias, dili gyod siya ambisyoso; gipakita kini sa kamatuoran nga sa pag-umol pag-usab sa nasod, niila siya nga nagkinahanglan siya ni Esdras aron maumol pag-usab ang katawhan sa Dios sa pulong sa Dios—8:1-10; Fil. 2:3-4.
- G. Si Nehemias ang hingpit nga lider, ang labing maayong lider sa kasaysayan sa tawo ug ang labing maayong panig-ingnan kon unsa gyod unta ang anciano; angay gyong maghunahuna sa iyang panig-ingnan ilabi na kitang mga igsoong nanguna sa kaiglesiahan, aron mahimo tang sumbanan sa pagpakabaton sa Dios ug pagpaagay Niya ngadto sa uban aron mausab ang panahon—Neh. 5:19; 13:14.